

ISSERTATIO INAUGURALIS MEDICA  
DE  
VI IMAGINATIONIS IN  
PRODUCENDIS ET REMOVENDIS  
MORBIS.

---

QUAM  
SUB AUSPICIIS DIVINIS  
RECTORE UNIVERSITATIS MAGNIFICENTISSIMO  
SERENISSIMO AC POTENTISSIMO DOMINO  
DOMINO  
CAROLO,  
DUCE WIRTEMBERGIAE ET TECCIAE REGNANTE  
rel. rel.

CONSENTIENTE GRATIOSA FACULTATE MEDICA  
PRAESIDE  
VIRO EXCELLENTISSIMO ATQUE EXPERIENTISSIMO  
DOMINO  
GEORGIO FRIDERICO  
SIGWART,

PHIL. MED. ET CHIR. DR. HUIUSQUE ET ANATOMIAE  
P. P. O. MED. AUL. WIRT.

PRAECEPTORE ET PATRONO AETERNUM PIE COLENDO

PRO GRADU DOCTORIS

Die

Jan. MDCCLXIX. H. L. Q. C.

PUBLICICE DEFENDET

AUCTOR

GUILLIELMUS FRIDERICUS KLEIN, Nordlingensis.

---

TUBINGAE TYPIS SCHRAMMIANIS.

*Ge. A. Dancera*

RECEIVED AT THE OFFICE OF THE  
SHERIFF

IN THE MATTER OF THE ESTATE OF  
JAMES M. HARRIS, DECEASED  
MORRIS

1899

THE SHERIFF OF THE COUNTY OF

ST. LOUIS, MISSOURI, HAS RECEIVED FROM  
THE COURT THE FOLLOWING ORDER

D-O-M-I-N-O

CARLOS

TO THE SHERIFF OF THE COUNTY OF ST. LOUIS, MISSOURI,  
TO BE DONE

IN THE MATTER OF THE ESTATE OF

JAMES M. HARRIS, DECEASED

AND ALBERT J. HARRIS, DECEASED  
D-O-M-I-N-O

ALBERT J. HARRIS, DECEASED  
SHERIFF

TO THE SHERIFF OF THE COUNTY OF ST. LOUIS, MISSOURI,  
TO BE DONE

IN THE MATTER OF THE ESTATE OF

JAMES M. HARRIS, DECEASED


D-O-M-I-N-O

ALBERT J.


ALBERT J. HARRIS, DECEASED

TO THE SHERIFF OF THE COUNTY OF ST. LOUIS, MISSOURI,  
TO BE DONE





## PROLOGVS.


 unt, qui corpus humanum vivum pro automato habent, qui menti omne dominium in functiones vitales & naturales derogant; & omnia phænomena ibi occurrentia e solis legibus motuum explicanda esse, contendunt. At vero! Homo tam in sano, quam morbofo statu consideratus, observanti haud obscure monstrat, corpus nostrum non a meris viribus materialibus moveri, dirigi, & mutari, sed mentem maxime non tantum in functiones animales, quas vocant, sed & in vitales & naturales imperium exercere. Quæ quidem tam egregie exposuit Ill. GAVBIUS in præstantissimis sermonibus Academicis *de regimine mentis, quod Medicorum est*; ut fere temerarium videri possit, ejusmodi operi, omnibus numeris absoluto adhuc aliquid addere velle. Cum autem Ill. Auctor pro probanda sua sententia animi pathemata maxime allegaverit, restat adhuc pars argumenti haud minus gravis, quæ non tantum veritatem, ibi jam demonstratam confirmat, sed & in Pathologia & Therapia summi momen-





ti est: Nimirum, vis imaginationis non modo in corpus sanum, sed & in morbosum tam frequenter, & tam efficaciter agit, ut jure meritoque singularem exposcat tractationem, quam nunc pro viribus exhibebo, & ad eam vim, quam imaginatio in producendis & removen-  
dis morbis habet, maxime respiciam.

### §. I.

#### *Quid sub imaginatione intelligatur?*

**I**maginationis nomine intelligi solet facultas animæ, imagines rerum materialium, simillimas iis, quæ ab objectis externis per organa sensoria excitari solent, sibi repræsentandi. De hac vero facultate jam non agam, sed contemplanor ejusdem quasi reciproci, quatenus anima non subsistit in simplici repræsentatione idearum, sed ope harum effectum sensibilem in corpus edit. Vis imaginationis itaque est operatio mentis in corpus ex fixa attentione ad objectum aliquod exorta. Pathemata animi multum quidem affinitatis cum illa habent, attamen tum quoad naturam ipsam, tum quoad phaenomenorum diversitatem ab eadem probe distinguenda sunt, id quod e quibusdam exemplis infra patebit. Singula enim animi pathemata effectus multo sensibiliores, & breviori tempore produciunt, motus plerumque violentiores secum connexos habent, & ipsa subito exoriuntur; & in æstu pathematum anima minus sibi conscia est; cum e contrario imaginatio lentiori gradu pergere soleat, & motus cum ea connexi magis in interioribus hominis penetralibus peragantur; præterea quoque voluntas accedere & cooperari videtur, quod in animi affectibus aliter se habet; id vero non ibo inficias, animi pathemata sæpissime cum vi imaginationis conjungi, & per hunc concursum effectus edi adeo compositos & complicatos, ut, quid cuique causarum tribuendum sit, omnino dubites; quin etiam perturbatio in utraque parte primum orta, non tantum æque facile inde in alteram transfertur, verum etiam in hac novis quasi viribus aucta re-  
volvitur,



volvitur, fortior eo, unde venit, & vehementer iterum prius affectam partem concutit, quo itu redituque reciprocati crebro fluctus altius atque altius quandoque extumescunt, ac tandem in æstuationem difficillime comprimendam erumpunt; uti alia occasione habet Ill. GAVBIVS. a)

a) Serm I. de Reg. M. q. M. c.

## §. 2.

### *Quod imaginatio vim habeat in corpus generaliter!*

Quotiescunque animæ per imaginationem aliqua idea offertur, toties determinata aliqua mutatio in corpore, illi ideæ proportionalis & respondens conjungitur. Hæc connexio motuum cum ideis semper obtinet, qualiscunque etiam origo ideæ sit, sive ab anima, sive a corpore primum excitata fuerit. Motus hi qualescunque primum afficiunt corpora cerebrosa; cum vero in his origines nervorum quærendæ sint, nervi autem instrumenta motus sensusque per totum corpus præbeant, patet, integrum quoque corpus a vi imaginationis affici posse. Exempla quædam ab experientia desumpta, sequentibus §§. thesin a posteriori probabunt.

## §. 3.

### *Exempla vis imaginationis in actiones vitales.*

Primo quidem functiones vitales a vi imaginationis accelerari, promoveri, impediri, quin & plane suspendi possunt, id quod inclytum exemplum famosi illius Angli Townshend testatur, qui, quotiescunque volebat, per solam vim imaginationis absque auxiliis externis perfecta asphyxia afficiebatur. Idem legimus de CARDANO a), aliisque, quos imaginatio in ecstasin cum cessatione pulsus & respirationis rapuit.

a) HIERON. CARDANVS de rerum varietate. L. VIII. c. 43. ita de se scribit: „quoties volo, extra sensum quasi in ecstasin transeo. . . . Sentio, dum eam in eo, ac, ut verius dicam, facio juxta cor quandam separationem, quasi anima abscederet, totique corpori hæc res



„communicatur, et initium hujus est a capite, maxime cerebello, diffunditurque per totam dorſi ſpinam. - - Cel. BRVCKERVS in Hiſtoria Crit. Philoſ. T. IV. p. 73. hoc Cardani mirabile cum reliquis tribus rejicit, hancque jactationem hominem vel impudentiſſimum, vel imaginationis deliriis corruptum prodere, contendit. BAYLE autem in Diction. Hiſt. & crit. T. II. CARDANVM un des grands eſprits de ſon ſiecle vocat, ejusdemque mirabilia non pro meris figmentis declarat, adjiciens tantum: Que diſons nous?

#### §. 4.

#### *Exempla potentiae imaginationis in functiones animales.*

Major, frequentior, magisque conſpicua eſt vis imaginationis in ſenſum motumque. Anima, in imaginationem intentata, non amplius videt objecta, quorum imago in retina hæret, ſed eas tantum, quas vigor phantaſiæ in ſenſorio interno producit; fortior enim ſenſatio ſemper diſturbat debiliorem. Hinc explicandæ ſunt tot ſpectrorum apparitiones, quæ modo occaſione aliarum imaginum per ſenſus externos illatarum, utcunque ſimilium componuntur, modo vero quaſi ex nihilo producuntur. Ex eadem ratione CARDANO fides haberi poteſt, qui l. c. de ſe ipſo ita habet: „cum volo, video, quæ volo, oculis, non vi mentis, (quod ultimum aliquam limitationem patitur) Moventur autem perpetuo, quæ videntur imagines &c. Hæc multum conveniunt cum verbis DE LA METTRIE a) „Il me reſtoit peu de ſang dans les vaiſſeaux, mais il y galo- „poit avec une viteſſe inconçevable, mon imagination & mon „eſprit ſuivoient le meme train &c. Auditus par ratio eſt: Sunt homines, qui ex ſono campanarum pulſatarum melodiam, quam volunt, formare queunt, quin alii verba ſibi ſumunt ex iſdem ſonis, cujus lepidum exemplum SCARRON habet. Huc facit quoque illud HORATII:

- - Fuit hæud ignobilis Argis,  
Qui ſe credebat miros audire tragoedos,  
In vacuo lætus ſeſſor, plauſorque theatro.  
Difficilius quidem imaginatio imperium ſuum exercet in guſtum  
&



& olfactum, quippe hæ ideæ levius tantum organo sensorio interno impressæ videntur; Haud tamen desunt, qui absque concursu objecti alicujus externi etiam has ideas sibi formant; sic nec adeo facile tactui imperat imaginatio: Docent tamen exempla multorum, animam imaginationi intentam, etiam heic decipi, & Ledam pro Rachele teneri. Sensus tandem internus, universalis, quo homo se ipsum sentit, & qui minus bene ad tactum refertur, fortissime patitur ab imaginatione. Dolores acutissimi, pruritus, aliæque modificationes hujus sensus interni a sola sæpe vi imaginationis producuntur. Fuerunt ægri, non deliri, sed mente sanissimi, quibus pes aut brachium a Chirurgo amputatum erat, illi vero, non obstante hac extirpatione, illo membro se adhuc præditos esse, putaverunt, & de variis in eo doloribus diu conquesti sunt. *b)* Huc referas quoque eos, qui sese ex vitro conflatos esse, pedes habere stramineos, cornua gestare, nasus sesquipedalibus donatos esse, paralyti laborare &c. sibi imaginantur, qui ideo proprie ægri imaginarii (*malades imaginaires*) dicuntur. Ejusdem census sunt misellæ illæ aniculæ, quæ vino, vel narcoticis ebriæ firmiter credunt, se per auras ferri, in furcis caprisque equitare, & in dæmonum societate saltare, esurire, satiari &c. *c)* Incubus & succubus in aliis mira formant terricula, tot testimonia imaginationis vivide intensæ. Sensus internus plurimum quoque patitur a vi imaginationis in fanaticis, maxime scæminis, quæ amore mystico ustulatæ mirabilia per totum corporis habitum percipiunt, sibi que imaginantur: Magnum ejusmodi exemplorum numerum collegit, & ut solet, elegantissimo stilo proposuit Cel. ZIMMERMANN *d)*. In dormientibus imaginatio scenam suam æque potenter ludit, exemplo hypnobatarum. Imperium imaginationis extendit se quoque ad motus spontaneos; ambulans non opus habet expresso voluntatis jussu ad singulos passus perficiendos, nec hos illosve musculos sigillatim movet, sed ambulatio semel cœpta per se quasi pergit, & motus integri alicujus membri uno actu perficiuntur. Ita etiam risus ex uno in alterum quasi per infectionem



nem transit, nec non oscitatio, etenim oscitante uno, oscitat & alter.

- a) Oeuvres de Medecine. p. 275. b) RVD. JAC. CAMERARII Disfert. quæ inscribitur: Paradoxa sensatio, sive dolor membri amputati. & Ill. GAVB. Instit. Pathol. Medic. §. 674. c) WIERVS de Præstigiis Dæmonum. d) von der Erfahrung in der Arzneykunst, II. Theil. p. 520. seq.

## §. 5.

### *Exempla imperii imaginationis in functiones naturales.*

Devenimus ad functiones sic dictas naturales, in quas imaginatio quoque magnam vim habet. Sunt homines, qui cibum potumve deglutituri subito obstaculum aliquod in faucibus hærens imaginantes, reapse constrictionem pharyngis & oesophagi patiuntur, qua deglutitio ita impeditur, ut, si nihilominus deglutire vellent, in suffocationis periculum incurrerent. Vim imaginationis in ventriculum & organa digestionis satis monstrat nausea, quæ sæpissime, vel potius semper ab idea aliqua invisa oritur; sensibiliores homines ab historia obscæna, nauseosa audita, mox nauseam vomitumque experiuntur. Testimonium IVNCKERI prodit nobiles quasdam matronas, quæ, quoties certam cantilenam funebrem, quæ olim ad exequias fratris dilecti cantabatur, audiebant, toties vomitu corripiebantur. Ut de imperio imaginationis in secretionem unum afferam, quis nescit, salivam ad conspectum epularum exquisitarum, vel etiam his absentibus, ad solam earum repræsentationem etiam in homine non esuriante multo copiosius secerni, & plenis rivis in os influere. Excretionem varii generis etiam a vi imaginationis determinatur. MONTAIGNE a) habet virum, cui imaginanti, sibi enema applicari, alvus liberaliter solvebatur. Enuresis infantum nocturna iisdem rationibus tribuenda est.

Sic etiam Venerem nocturna insomnia solvunt.

Gaudiaque informant, veros imitantia lusus. b) id quod etiam iis, qui alias dyspermatismo laborant, evenit, ita, ut imaginatio fortiter intensa plus valeat, quam voluntas  
vigi-



vigilantis. De vi imaginationis gravidarum in foetum, quem gestant, multum disputatur. Quicquid autem contradicant moderni quidam, & praecipue Galli, Blondelli argumenta repetentes, res ipsa tot exemplis evidentibus comprobata est, ut dubio nullus amplius locus relinquatur. Sunt enim mulieres, quae infantes naturos, his illisve naevus deturpatos fore, praedicere poterant. Praeterea Ill. BOERHAAVE c), VAN SWIETEN d), & Cel. VNZERVS e), in quibus viris non nisi injurius anilia praejudicia supponere potest, ut testes oculati huic veritati suffragantur. In hisce rebus explicatu certe difficillimis, probe distinguendum est inter id, quod principiis rationalibus repugnat, & id, quod ex principiis hucdum cognitis nondum explicari potest. Hinc fit, ut multi rerum, quae manifeste conspiciuntur, causas reddere nequeunt, earum existentiam potius negant. Restant adhuc casus quidam singulares, quorum autem veritas nonnullis suspecta videbitur; qualis est, quem MONTAIGNE f) his verbis habet: „Et encore, qu'il ne soit pas „ nouveau de voir croistre la nuict des cornes a tel, qui ne les „ avoit pas en se couchant: toute fois l'evenement de Cyppus, „ Roy d'Italie, est memorable, lequel pour avoir assisté le „ jour avec grande affection au combat des taureaux, & avoir „ eu en son songe toute la nuict des cornes en la teste, les „ produisit en son front par la force de l'imagination. -- Re- ferunt alii, quod ex vi imaginationis vel & ab affectu violentiori subitanea canities orta sit. g) Atqui vero magna est affinitas physiologica inter capillos, ungues & cornua!

- a) Livres des Essais I. Part. p. 85. b) MARCELLVS Paling. in Cancro. c) Aphorism. 1075. d) Comment. ad aph. 1075. p. 406. e) Hamb. Mag. T. IX. f) l. c. p. 82. g) SCHENCKIUS in Observ. Med. de Capite Humano. Obs. I. & ALBERTI Diss. de Canitie praematura.

## §. 6.

### *Quod imaginatio morbos gignere queat.*

Cum ex antecedentibus vis imaginationis in corpus satis eluceat, facile quoque intelligitur, eandem morbis gignendis



parem esse. Cum morbus in genere status animalis viventis fit, quo fit, ut actiones debitæ non possint apposite ad leges sanitatis exerceri: Imaginationo autem in omnes functiones agere possit, (§. 3 - 5.) patet, tales quoque mutationes in functionibus a vi imaginationis produci posse, quæ liberum harum exercitium impediunt, vel & plane tollunt. Ne vero argumentis a priori ductis diu inhæream, ad exempla progrediar.

### §. 7.

#### *Quosnam morbos vis imaginationis directe gignat?*

Morbi imaginationi tribuendi triplicis sunt generis: Dantur, quos vis imaginationis directe gignit: Alii tantum indirecte ab imaginatione intensa proficiuntur: sunt denique, in quorum decursu imaginatio valide ludit. De primo genere, jam dicendum: Accidit, ut, dum aliquis sibi fortiter imaginatur, se hoc illove morbo laborare, revera eum morbum sibi contrahat; Hos a vi imaginationis *directe* produci, clarum est. Imaginationo solidis fluidisque morbosam mutationem inducere valet; Inde numerus horum morborum per omnes classes, ordines, & forsan etiam genera se extendit. Vitia, (ut Nosologiam methodicam Sauvagesii sequar,) sive affectus superficialii a vi imaginationis sæpe nobis inducuntur, etiam nondum natis; ita generationem nævorum maternorum ingeniose explicat Cel. D. KRAUSE, a) asserens, ideam matris communicari cum anima foetus, ope nervorum connectentium. Homines, incubo vexati, miras lamiarum dæmonumque imagines sibi formant, a quibus vapulent, & quibuscum pugnent, evigilantes altero mane vera monstrant ecchymomata, in thorace, brachiis, &c. tot testimonia non verberum quidem, sed vividæ imaginationis, quæ ope spasmorum sanguinem extra vasa preffit. Februm matrem interdum meram imaginationem esse, sequens historia ex ELIAE CAMERARII specim. Eclect. Medic. b) desumpta docebit. „Juvenis, annorum sedecim, mœstus ex consanguinei „funere, eandem sibi metuere incipit sortem, inter perpetuos „ango-



„angores inevitabilem expectat morbum, dejectum tandem  
 „sentit appetitum, ac febriculæ quosdam accessus: incremen-  
 „tum capit mortis proxime imminens non metus solum, sed  
 „firmissima nullisque summovenda argumentis persuasio; quic-  
 „quid occurrit, vertitur in fati minantis omina, ac ultimum  
 „impatiens præstolatur diem, pulsu non nisi modicam ostentan-  
 „te febrim, urina vero sensim sensimque per tinctioris atque  
 „obscurioris flavedinis gradus ad fuscum plane ac nigredini pro-  
 „ximum colorem transeunte, talique per quindecim ad mini-  
 „mum dies perdurante, cum anxietate terribili nocturna, ac  
 „doloribus præcordiorum. - - &c. Exanthemata varia ex sola  
 vi imaginationis profluxisse, variæ produnt observationes:  
 A peste aliquando eos maxime infectos fuisse, qui se infectum  
 iri fortiter imaginabantur, testatur RIVINUS. Adolescentem  
 quendam sensibilibus temperamenti hac via purpuram  
 sibi contraxisse, habet Cel. ZIMMERMANN: c) „Er kam in das  
 „Zimmer eines an dem Friesel verstorbenen, er griff den  
 „Leichnam bey einer Hand an, seine gegenwärtige Freunde  
 „sagten ihm, seine Zärtlichkeit auf die Probe zu setzen, jetzt  
 „habe er sich den Friesel zugezogen, nach ein paar Tagen hat-  
 „te er den Friesel mit allen seinen Zufällen. Idem laudatus  
 Auctor ex Falconeto variolam, sola vi imaginationis productam  
 refert: „Eine Frau zog sich aus einer nærrischen Furcht die  
 „Pocken plötzliche zu, indem sie in einer Kirche eine ande-  
 „re Frau sahe, die rothe Flecken im Angesicht hatte, und  
 „geglaubet diese Flecken seyen eine Folge der Pocken. In-  
 „deß hatte jene gefleckte Frau nicht die Pocken, sondern et-  
 „was scharbockichtes im Blute, aber die Furcht öffnete bey  
 „dieser die einfaugende Gefäße der Haut, und vielleicht fass-  
 „ten diese in der Luft die ansteckende Theile der Pocken. At  
 vero historia Falconeti expresse negat, miasma variolosum ad-  
 fuisse, unde ergo vasa bibula tale miasma haurire potuerunt?  
 Nec satis demonstratum mihi videtur, a metu vasa inhalantia  
 magis hiare, verum quidem est, contagia facilius cum meticu-  
 losis & anxiiis communicari, unde vero hoc? Vasa resorbentia



magis hiare dicuntur in terrore & metu! Quomodo hoc probatur? Ex faciliore infectione! Ita vero circulus logicus committitur. In metu & terrore tota potius corporis externa superficies spasmodice constringitur, adeoque via tam arteriolarum, quam venularum intercepta est. Ista itaque variola merum imaginationis opus erat. Idem Cel. ZIMMERMANN l. c. tumores, tubercula, paronychias aliaque mala in foemina observavit, quae sese ex achoribus sui infantis infectam esse, imaginabatur. Quae quidem omnia ille metui ascribit; cum tamen pace viri Cel. rectius vividae imaginationi tribuantur; Etenim metus talis determinatus nihil est, nisi intensa vis imaginationis ad objectum invisum. Spasmodorum & convulsionum omne genus ab imaginatione proficisci posse, docet epilepsia, inter cujus principia ipse BOERHAAVE d) vim imaginatricem ingentem refert. Ipse enim Vir immortalis mirum aliquando spectaculum vidit, cum omnes fere pueros puellasque in ptochodochio Haarlemensi ad conspectum paroxysmi epileptici, quo primum unus, deinde plures corripiebantur, eodem morbo per vim imaginationis affici, expertus est. e) Simile exemplum ex Vega affert SCHENCK. f) Certe haec epilepsiae causa haud adeo raro occurrit, optandumque, ut magis ad eam attendatur. Singultus quoque gravis ab imaginatione perinde ac nausea fovetur ac renovatur. g) Deinde huc quoque referenda est idiosyncrasia quaedam imaginaria, quae aequae, ac vera, spasmodis & convulsionibus stipatur, simulac idea determinatae rei exosae excitatur. Pone, hunc illamve sibi imaginari, certum quendam odorem, saporem, sonum, colorem, medicamentum &c. naturae ipsius contraria & infesta esse, cum tamen reapse non sint; dum idea haec saepe repetitur, fortius imprimitur, & tandem effectus producit, quae tantum ab idiosyncrasia naturali expectari possunt. Virgo quaedam Cel. ZIMMERMANNUM l. c. p. 589. rogabat, ne theriacam ipsi prescriberet, quoniam eam cane & angue pejus abhorreret; Eodem die Vir sagax insciae bonam portionem theriacae aliis medicamentis immixtam propinavit, sine ullo effectu noxio. „Dieser Person, adjicit, war nur die Idee des Theriackszuwider, nicht „der



„der Theriack. -- Spasmodicis affectibus quasi oppositæ sunt debilitates, quæ ex eodem fonte, sc. imaginatione sæpe profuunt. Homo, alioquin fortis, impotentia laborabit, simulac eam ideam sibi sumit. „Je sçay par experience, ait MON-  
 „TAIGNE *h)* que tel, de qui je puis répondre, comme de  
 „moy mesme, en qui ne pouvoit eschoir soupçon de foiblesse,  
 „& aussi peu d'enchantement (*loquitur enim heic de nodi li-*  
 „*gatione, liaisons des mariages, dem Nestel-Kniiossen*) ayant  
 „ouy faire un conte a un sien compagnon d'une defaillance  
 „extraordinaire, en quoy il estoit tombé sur le point, qu'il  
 „en avoit le moins le besoïn, se trouvant en pareille occa-  
 „sion, l'horreur de ce conte luy vint si rudement frapper  
 „l'imagination, qu'il en encourut une fortune pareille. --  
 Quodsi malum hypochondriacum & hystericum ad debilitates  
 referre volumus, quorsum SYDENHAM *i)* ea relegat, tum  
 etiam hæc symbolum suum conferunt, ad probandum, quod  
 vis imaginationis debilitatum origo esse queat. „Die Hypo-  
 „chondrie, dicet ZIMMERMANN l. c. p. 436. die Mutter-  
 „Krankheit, und die Melancholie können zwar aus vielerley  
 „physischen Ursachen entstehen, und doch werden sie auch  
 „durch bloße Bekränkung der Seele in einem sonst gefunden  
 „Körper bald erzeugt. addo: etiam sola sæpe vi imaginatio-  
 nis, id quod haud difficile observatu est. De doloribus &  
 dysphagia, quatenus huc faciunt jam §. 4. & 5. dictum fuit.  
 li quoque, qui podagram mentiti sunt, eo malo revera affecti  
 fuisse leguntur. Vesánias, sive mentis abalienationes ex vi  
 imaginationis sæpe nasci. per se patet. Etenim, simulac quis  
 sibi imaginatur, se abalienatione mentis laborare, eo ipso ve-  
 sanus censendus est. Recte etiam huc refertur ea mentis aba-  
 lienatio, quæ in idiosyncrasia imaginaria, de qua supra dixi,  
 occurrit. Nec alienus hic est Wampirismus, qui, quantum  
 ex scriptis argutissimi Bilfingeri, Weitenkampffii, & Ranffii  
 colligere potui, nihil aliud esse videtur, quam febris maligna  
 epidemica, cujus propagationi atrox & effera imaginatio save-  
 bat. Mirabilia phænomena, quæ in cadaveribus eo morbo  
 extinctorum apparebant Cel. SAUVAGES *k)* a præstigio homi-  
 num



num infamium derivat, quamvis eorum potiora etiam ex idea febris catarrhalis malignæ belle deduci possint. LANGIVS ex Hennenbergio citat, quod Potollos, sive Pocollos, idolum olim Borufforum noctu homines adeo terruerit, ut plurimi exinde mortui fuerint. Lycanthroporum vesania eodem fundamento nititur. Fluxus, sive ut Platerus eos nominat, vitia excretorum, fecundam illam morborum matrem, imaginationem puto, pariter ut principium agnoscunt. Dysenteriam ab imaginatione subito exortam, habet ZIMMERMANN. l. c. p. 452. Etiam heic locorum observatum fuit, eos inprimis dysenteria affectos fuisse, quibus lurida ejus idea semper imaginationi obversabatur. Diarrhœa vehemens ab idea assumti medicamenti purgantis, quod autem omni plane vi purgante destitutum erat, nata legitur. l) Urinæ vitia in historia supra ex Camerario dictata, ab imaginatione orta occurrunt. Ipsa denique mors aliquando hominibus contigit, quibus ea determinato tempore eventura prædicebatur. Homo enim, vaticinio fidem habens; (sine hac enim res non succedit,) ideam mortis adeo firmiter impressam servat, ut sub illud tempus, labefactatis sensim corporis animique viribus anima desperabunda corpus linquat. „Es ist nichts gewissers, ait Cel. UNZERVUS m) „ als das man bloß von Einbildung krank werden, und sterben könne, und der Arzt siehet öfters mit Erstaunen, „ wie Leben und Gesundheit an einer lächerlichen Thorheit „ hænget, und wie die Ideen die Stelle der heftigsten Gifte vertretten. Prostant exempla, ubi homo ad supplicium damnatus, jam in sella funesta confidens, loco macharæ, qua caput sibi detruncatum iri, expectabat, virga lignea leviter teriebatur, & exinde subito extinctus fuit. Hæc mors ex eadem fere ratione contingit, ac ea, quæ ex timore: cujus exemplum habet ZIMMERMANN l. c. p. 461. Vivida enim mortis instantis imaginatio absque metu vix esse potest, sed cum eo quasi coincidit; Timorem quoque inter præcipuas mortis subitanæ causas ponit RAU (n).

a) Hamb. Mag. B. XX. p. 54. sq. Beantwortung der Frage, wegen der Muttermähler, welche die Kayserl. Academie zu Petersb. aufgeworfen



fen. b) p. 5. f. c) l. c. p. 453. d) Aphor. 1075. e) ABRAHAM KAAU BOERHAAVE Impetum faciens &c. l. IX §. 406. f) Obs. Med. L I. Obs. 192. g) DE SAUVAGES Nosolog. Method. T. II. P. II. p. 139. h) l. c. p. 83. i) Differt. Epistol. de affectione hysterica. k) l. c. T. III. P. I. l) Hamb. Mag. B. XVI. p. 97. m) der Artzt. III. Th. p. 260. n) Differt. tit. ut supra. Præf. III. Büchnero.

## §. 8.

### *Quod imagiatio intensa per indirectum morbos inducere possit?*

Sequuntur nunc ii morbi, quos vis imaginationis *indirecte* gignit: Hi vero sunt primo illi, qui ex imaginatione in quodlibet aliud objectum valide intensa oriuntur; Omnis enim operatio mentis secum conjunctas habet motus quosdam, qui in cerebro peragi recte supponuntur. Hi motus autem, quamquam non sub sensu cadunt, tamen vim determinatam, nec exiguam quidem requirunt: Quo major vero vis uni functioni impenditur, eo plus detrahitur alteri. Simulac autem hæc vel illa functio non recte ad leges sanitatis peragitur, adest morbus. Secundo loco veniunt ii morbi, qui nascuntur, dum imago decepta detestatas ideas animæ repræsentat, & sic varios motus inordinatos & noxios inducit. Sequentia exempla rem clarius illustrabunt & confirmabunt.

## §. 9.

### *Morbi, qui ab imaginatione indirecte profluunt.*

Pictores, Poetæ, sculptoresque, diuturno operi insidentes viresque imaginationis vehementer fatigantes, corporis animique viribus minuuntur, sæpiusque in maciem & tabem incurrunt. a) Totum itaque systema nervorum ab imaginatione valide intensa patitur & debilitatur. Malum hypochondriacum eos, qui imaginationi nimis iudulgent, sæpissime infestat. Præterea enim, quod intensio vitium imaginationi debilitatem inducit, eadem quoque transpirationem supprimit, unde innumera



mera malorum turba iterum generatur, uti Sanctorius testatur & observavit. *b)* Cephalalgiam, agrypniam post validam imaginationis intensiorem quis non expertus est? Vesaniæ quoque varii gradus, diversarumque specierum ex eodem fonte scaturiunt. Nota sunt exempla hominum, qui, postquam iacturam bonorum, amatae personæ, aliusve rei desideratae passi sunt, adeo firmiter ideas suas in illa iactura fixerunt, ut omnino exinde mente caperentur. Homines, fastui inani nimis indulgentes, omnemque suam imaginationem in adulatoriis illis ideis volventes, similem fortunam incurrisse, quis nescit? Nostalgia quoque huc pertinet, quæ ex desiderio, locum habitationis mutandi enascitur, si cum hoc desiderio vividæ imaginationi commoda & gaudia alterius loci obversantur. Multi, cum vident ab alio acerba vel valde acida degustari, stupore dentium afficiuntur, non secus, ac si ipsi talia assumfissent. Ex imaginatione falaci scæminis, maxime cælibibus flores albos, chlorosin, & ephelides profluere, experientia docet. Alio modo nocet imaginatio, quando per varias ideas horrendas, animæ repræsentatas, motus noxios in corpore producit; sæpius laudatus MONTAIGNE l. c. ait: „Je sçay, qu'un gentil-  
 „ homme ayant traité chez lui une bonne compagnie, se  
 „ vanta trois ou quatre jours après par maniere de jeu, (car  
 „ il n'en estoit rien) de leur avoir fait manger un chat en pa-  
 „ ste: de quoy une demoysselle de la troupe point telle hor-  
 „ reur, qu'en étant tombé en un grand devoyement d'estomac,  
 „ & fièvre, il fut impossible, de la sauver. -- Qui quanti-  
 que morbi ex spectro viso nati compareant, passim in observa-  
 tionibus legas: Quanquam enim spectrum affectus imaginatio-  
 nis sit, nihilominus magni tumores, erysipelas, ulcera, alia-  
 que exanthemata inde producuntur. Eiusmodi morbum me-  
 morabilem, at, uti ipse fatetur, nauseosum observavit Cel.  
 ZIMMERMANN l. c. p. 462. sq. Inter causas epilepsiæ idiopathi-  
 cæ imaginatio quoque merito poni debet; Epilepsia enim aliique  
 omnis generis spasmi ab imaginatione detestatis ideis repleta  
 excitantur; „ Dum spectrum humeris infiluisse, illudque ad  
 „ ædes suas usque se detulisse, imaginabatur adolescens, pessi-  
 „ me



me se inde habuit, & renovata simili spectri visi imaginatione, fuit factus epilepticus. c) Alius imaginatus, araneam sibi offerri, animal ipsi summe exosum, cum tamen illa prætenfa aranea frustulum ceræ esset, exinde in spasmos tetanumque, transitorium quidem incurrit, narrante ZIMMERMANNO l. c. p. 592.

a) RAMAZZINI de morbis Artificum opp. p. 502. b) Medicina statica passim. c) FR. HOFFMANN. Op. omn. T. III. p. 31.

## §. 10.

### *Exempla morborum, in quibus imaginatio valde ludit.*

Ii denique morbi, in quorum decursu imaginatio valide ludit & aberrat, ad thema præsens spectant, licet hos potius morbos imaginationis, quam morbos ab imaginatione nuncupaveris. Horum primarii sunt vesaniæ omnis generis; Ipsa enim anima an unquam ægrotare possit, merito dubito; sed omnis vesania mihi videtur error, ex falsis imaginibus menti oblatis, necessario ortus. In hydrophobis hoc evidenter apparet, quibus imaginatio adeo depravata est, ut ne speculum quidem, utpote aquæ claræ quodammodo simile, sufferre possint. Animam vero in iis non ægrotare, ex intervallis lucidis, in quibus recta ratione constant, & ubi forte lusus imaginationis cessat, clare patet. In epilepsia quoque secundum testimonium Jll. VAN SWIETEN l. c. epileptici observant quandoque in initio paroxysmi, vel paullo ante, excitari novas & insolitas ideas, dum pulcherrimos & nunquam ante visos colores, sonos suavissimos, odores nunc gratos, nunc ingratissimos percipiunt &c. In genere iis in morbis imaginatio valde ludit, in quibus sensorium commune vel idiopathice afficitur, vel etiam in consensum trahitur.

## §. 11.

### *Imaginatio decursum morborum turbat, & in pejus vertit.*

Quemadmodum imaginatio in ipsa morborum productione potens est, ita etiam in morborum aliunde natorum decursu



non minorem exhibet efficaciam. Simulac æger morbo etiam leviori laborans, tristes mortis imagines concipit, quamprimum animum demittit, & de sua reconvalescentia dubitat, vel plane desperat, omnia mox in pejus ruunt, maligna symptomata accedunt, vires labefactantur, & æger, nisi promte tristes illæ ideæ ipsi evellantur, moritur, & evadit victima suæ imaginationis. Inde explicanda mihi videtur observatio, quam Cel. ZIMMERMANN a) fecit: „Alle an der Ruhr darnieder liegende wurden heftiger krank, und sehr oft gab es in einem einzigen Hause alsdann verschiedene Todes - Fälle, wann vorläufig einer in demselben Hause gestorben war. In omnibus morbis, præsertim malignis, hoc momentum semper respiciendum est. Anxietas, symptoma ibi frequens & horrendum respondet tam statui corporis revera periculoso, quam conditioni minoris momenti, quæ panicum modo terrorem incutiat. b) In scorbuto quoque imaginationis tristes effectus annotavit WALTER: c) „Wir hatten die oftmalige Erfahrung, daß alles dasjenige, was unsern Leuten den Muth nahm, oder zuweilen ihre Hoffnung verminderte, der Krankheit allezeit neue Stärke gab. - - Exinde etiam apud vulgum vesicatoria sæpe optatum effectum eludunt, quoniam multi plebejorum persuasum habent, vesicatoria nunquam, nisi in casibus desperatis adhiberi: Tanti interest præjudicia hominum nosse, ut, si quidem possibile, illis occurri possit.

a) Von der Ruhr, unter dem Volcke. p. 344. b) GAVB. Inst. Path. §. 684. c) Ansons Reise um die Welt. I. Buch. X. Hauptst.

## §. 12.

### *Vis salutaris imaginationis.*

Vis imaginationis quantum in producendis morbis potest, tantum etiam circa eorum remotionem valet. Cum enim illa ad omnes nostras functiones sese extendat, in iisque admodum sensibiles mutationes perficere possit, uti ex antecedentibus patet, nemo facile negabit, vim imaginationis etiam mutationes salutares inducere posse: Quemadmodum enim ad genera-

tionem



tionem morbi nihil requiritur, nisi mutatio conditionum, quæ ad functionem aliquam peragendam necessariæ sunt; ita vel omissio eiusmodi mutationum, vel immutatio earum, quæ functionibus obstiterunt, sanitatem obfirmat, & restituit.

### §. 13.

#### *Imaginatio a morbis præservat.*

Imaginatio recte sibi constans, intra limites suos coercita, & firmitudine quadam prædita insultum multorum morborum avertere, omnium decursum mitigare, & non paucos sanare valet. Primo itaque omnes ii morbi, quos imaginatio directe gignit, (§. 8.) averti possunt, si imaginatio ita dirigitur, & firmatur, ut falsæ illæ ideæ elidantur. Quod ut perficiatur, omni studio remedia, tam psychologica, (offerendo scilicet ideas alias, quibus mens noxiæ imaginationi indulgens, distrahatur,) quam medica a) adhibenda sunt, quibus imaginatio coerceri, & præjudicia everti possunt. Deinde morbi, qui ab imaginatione in alia quævis objecta nimis intensa proficiuntur (§. 10.) per remissionem intensitatis, & usum ejus moderationem avertuntur. Dantur quoque casus, ubi vis imaginationis directe & quasi offensive morbos pellit & removet, uti quidem in epidemiis malignis facile observatur, ubi ii, qui morbum mortemque spernunt, eo rarius corripuntur. Alii quoque, contra omnes diætæ regulas enormiter impingentes, in serum usque senium sæpe fani & incolumes vivunt, omnia medicorum præsagia & consilia ridentes. Huc etiam spectat, quod Felix PLATER b) & RIVERIUS de virtute lapidis aetitæ & Lazuli habent, qui nimirum a prægnantibus ut amuleta gesta, abortum præcavere possint.

a) GAVBIUS Serm. Acad. de Reg. mentis, q. Med. est. b) Obs. L. III. P. 727.

### §. 14.

#### *Imaginatio morborum symptomata mitigat.*

Quemadmodum imaginatio in decursu morborum omnia exasperare potest, (§. 12.) ita etiam eadem omnia symptomata



mitigare, totiusque morbi decursum lenire valet. Æger firmam fiduciam in medico, vel in medicamento aliquo ponens ab eo fere semper sublevatur, etsi forte noxium, vel per se nullius virtutis esset. a) RIEDLINVS refert, cuidam ægroto trepidanti e pane similagineo formatas pilulas pro magno arcano esse exhibitas, unde maximum levamen experiebatur. Ipsa sæpe præsentia medici ægros mire solatur, ut magnæ partis suarum calamitatum obliviscantur.

Si miser est Medicus, medicamina bina venenant,

Si fortunatus, bina venena juvant.

Dolor & anxietas, urgentia illa symptomata, a quibus plurima alia dependent, vix locum habent in homine, fiduciæ pleno & imaginante se levi morbo laborare, & certò evasurum esse. Cum enim dolor & anxietas principii sentientis affectio sint, hoc vero ad malum sibi illatum minus attendit, etiam effectus horum symptomatum evanescere, necesse est. Cum etiam anxietas eo major esse soleat, quo majus, vel quo obscurius malum imaginationi obversatur, mali contemptus, vel penitior cognitio, (quamvis sæpe imaginaria) anxietatem mire sublevare potest; id quod hypochondriaci & melancholici suis exemplis comprobant, illis heroibus similes, quos nullo pretio adigas, ut in templo aliquo deserto noctem soli degant, quia horridæ alicujus ipsis ignotæ rei idea imaginationem obsidet, cum tamen iidem in præliis sese præsentissimis periculis intrepide obijciant.

a) Lin. med. a. 1. m. Jul. lin. 12.

## §. 15.

### *Imaginatio morbos sanat.*

Quid vero imaginatio in ipsa morborum sanatione valeat, nunc examinandum. Sicuti imaginatio varios morbos tam directe, quam indirecte gignit, ita in sanatione morborum nunc directe nunc indirecte suum monstrat effectum. Directa sanatio ea est, si homo, morbo aliquo laborans, fortiter imaginando, se vel non amplius ægrotare, vel saltem certissime sanatur



natum iri, ab illo morbo actu liberatur. Hoc modo sanantur ii morbi, qui a vitio imaginationis exoriuntur & sustentantur, nec tamen omnes, si malum altius jam hæret, & in corpore tantæ noxæ turbæque natæ sunt, quæ vim salutiferam imaginationis superant, nec etiam hi soli, etenim tales quoque, qui principia mere corporea agnoscunt, ab imaginatione sæpius superantur, sed & hic sciendum, vim imaginationis non esse omnipotentem, & quo majora obstacula adsunt, eo difficilius quoque illa ab imaginatione removeri posse. Ut vero imaginatio vim aliquam notabilem exercere possit, opus est, ut ea valde inteudatur, quem in finem aliquando subsidia quædam externa, quæ fortem firmamque ideam imprimere possunt, in usum vocanda sunt: Hujus generis remedia omnino extraordinaria esse debent, quæ quidem sagacioribus risum sæpe movent, pro ratione subjectorum autem summi momenti, & absolute necessaria sunt. Huc pertinent varia amuleta, remedia sympathetica, incantationes, jactatio arcanorum infallibilium, characteres, schedulæque, & omnis apparatus magicus, de quo WIERVM a) & CICOGNAM b) legas.

a) De præstigiis dæmonum. b) Theatrum magiæ omnifariæ.

## §. 16.

### *Qui morbi ab imaginatione directe sanentur?*

Primo itaque loco exempla afferamus, ubi imaginatio directe morbos sanat. Novi, vulnera varia, contusiones, ambusta, fracturas ossium, levi incantatione, vel remedio quodam sympathetico passim adhuc hodie curari solere, successu fere semper felici, attamen etiam quandoque irritò eventu, iis scilicet in casibus, ubi vires naturæ, ab imaginatione intensæ adjunctæ, damnum illatum & obstaculum superare nesciunt. Febrim cura, maxime intermittentium, sæpissime a vi imaginationis pendet; mirum sæpe est phænomenon, febrem illicò suspendi, nulla ratione habita ad materiæ peccantis evacuationem. Subsidia imaginationis supra recensita, inprimis amuleta a longissimo retro tempore a) heic in usum trahuntur; de quo-



rum operatione pulchre sane & ingeniose commentatus est PARACELSVS *b)* „Der Glaub ist dieſer Ding aller (loquitur vero de amuletiſ, aliſque ejuſmodi,) Exaltation und Confirmation, „dann ohn den Glauben iſt es alles thumb und krafftloſ. Poſt eum WIERVS eadem ſentit, & LANGIVS *c)* nervoſe rem ita exprimit: „Amuleta in ſe nulla vi quidem gaudent (iunt tamen aliqua excipienda) febres tamen tollunt, ſpiritibus aliam „ideam imprimendo, ut negligent priſtinam illam, ne paroxysmos ſentiant; Abracadabra, aliaque appenſa, aut propinata varia, cum firma ſaltem promiſſione de reconvaleſcentia, cuncta, niſi confidat hiſ ipliſ æger, nihil juvant. In ipſarum quoque acutarum febrium ſanatione efficacem ſe præſtitit imaginatio. SERENVS SAMMONICVS l. c. in hēmitritæo amuletum ſuadet:

Inſcribes chartæ, quod dicitur abracadabra  
Sæpius & ſubter repetes, ſed detrahe ſummam.

Donec in anguſtam redigatur littera conum.

Hiſ lino nexiſ collum redimire memento.

LANGIVS *d)* memorabile huius generiſ exemplum ex Thoma a Veja allegat: „Quidam ex febre ardente delirans, enixe „poſtulavit, ſibi concedi in ſtagno illo, quod pavimentum „erat, vel momentaneam ſaltem immerſionem & natatum: „ajebat enim, ſe certo ſcire, ex illa refrigeratione corporiſ „reconvaleſcentiam ipſi eſſe expectandam, quod evenit quodque, cum, conſentiente poſt longas preceſ medico, aliquantisper ſe volutaſſet ſupra ſolum hypocauſti. Cum vero brevis hæc volutatio ſupra ſolum omnino nequeat febrem ardentem depellere, clarum eſt, hanc ſanationem unice phantaſiæ opus fuiſſe. In febribus maligniſ ea, quæ imaginationem fortem ſtabilemquæ reddunt & conſervant, utique effectus non contemnendos productura eſſe, docent & analogia, & præcipue ſymptomata horum morborum, in quibuſ animi demiſſio & anxietas non minima ſunt: hæc duo vero per fiduciam & firmam imaginationem arcentur & pelluntur, unde vim ſalutarem imaginationiſ in morbiſ maligniſ agnoſcere debemus. Spasmi adhuc faciliuſ a vi imaginationiſ compeſcuntur, quam aliæ affectio-



feſiones, quæ magis mediate cum ſensorio communi conne-  
 ctuntur. Quando ſanguis calidus jugulati gladiatoris epotus ab  
 epilepfia liberat, teſte CELSO *e*), tum crudele hoc remedium,  
 non quidem per horrorem, qui inſignem & ſubitam mutatio-  
 nem in epilepfia facere, ſicque præſentem corporis ſtatum mu-  
 tare poſſet, agit, quippe quod Jll. VAN SWIETEN *f*) per ex-  
 emplum ex Tulpio allegatum, egregie refutat, ſed ejusmodi  
 ſanatio ingenti vi imaginationis in hoc illove ſubjecto per fidu-  
 ciam remedii exoptati & certi excitatæ ſoli debetur. Certe, ſi  
 ſuperſtitioſa illa, ſœda, ridicula & magica remedia epilepticis  
 unquam proſuere, horum virtus excitatæ & intenſæ imagina-  
 tionis tribuenda erit, quod etiam KAAU BOERHAAVE agnoſcit, *g*)  
 ubi inter rationes inventæ magicæ medicinæ vim imaginationis  
 ingentem his mediis excitatam jure numerat. Anaphrodiſiæ,  
 maxime illi, quæ a ſcincinſe eſſe creditur, imaginatio medetur.  
 MONTAIGNE l. c. exemplum habet amici, quem hac debilitate  
 ſola imaginationis excitatione liberavit, & KAEMPFERVS *h*)  
 uti ligaturam magicam, ita & ejus ſolutionem per varia ineptiſ-  
 ſima phylacteria, quorum aliqua recenſet, necquicquam vi-  
 rium exſerere poſſe contendit, „niſi forte in animo ſuperſti-  
 „tioſi hominis, qui imaginatione ſua influentes ſpiritus huc  
 „requiſitos, nullo negotio impedit, vel promovet. Odontal-  
 gia, quæ alias medicis crucem figere ſolet, ſæpius imaginatio-  
 ni cedere viſa eſt; etenim illam quoque, quæ cauſas materia-  
 les agnoſcit, per varia ſuperſtitioſa & magica remedia, ſubla-  
 tam fuiſſe, paſſim experientia commonſtravit. Verbena, her-  
 ba alias antimagica, famam ſuam, quam in cephalæa ſananda  
 ſibi acquiſivit, ſimili forſan fundamento debet. Dyſtocia illa,  
 quam a pathemate denominat SAUVAGES *i*), ubi vires a metu,  
 puſillanimitate &c. exſolvuntur, ſtatim tollitur, ſimulac ſpem  
 pulchræ proliſ, promptæ liberationis imaginationi inferere pote-  
 riſ; tunc enim parturiens novas ſibi vires ſumit, & imaginatio  
 intenta fœtum expellit. Quando vero ſola verba non ſufficiunt,  
 ad ſubſidia, imaginationem excitantia mulierculæ, quamvis in-  
 ſciæ, confugiunt: filum ſericeum, roſeo-rubrum, brachio  
 ſiniſtro alligatum, exigua doſis hepatis anguillæ, teſticulorum  
 equi-





equinorum, vel secundinarum humanarum præparatarum momento effectum exoptatum præstitisse visa sunt; magno quidem argumento, quantum vis imaginationis valeat. Dysphagia, quæ a vitio imaginationis inducitur, firmata contra hunc morbum imaginatione necessario fugatur. Si in medico ea est animi lenitas & flexibilitas, qua diversitati animorum sese accommodare, eorumque fiduciam captare potest, facile poterit paroxysmum hypochondriacum & hystericum eludere, quod quidem difficile, attamen etiam factum esse exemplis comprobatum novi. SYDENHAM *k)* experientia idem edoctus ait: „certo scio, me vel medicamentis quantivis pretii, aut alia „methodo, quæcunque demum ea fuerit, hypochondriacis „æque ac tabidis phthificisque nihil magis proficere potuisse, „quam si *multis verbis hortatus fueram*, ut recte valerent. - - Wampirismus epidemicus remediis, eodem tendentibus fugatur, uti historiæ ex Hungaricis provinciis allatæ, & in libris supra (§. 7.) citatis recensitæ, docent. Fluxus quoque varii, præsertim hæmorrhagiæ omnis generis solo beneficio imaginationis sæpius tolluntur; uti enim terror subitaneus ex aqua gelida nuchæ injecta, narium hæmorrhagiam præsentissime sistit, ita quoque imaginatio valide intenta ejusmodi fluxum sufflaminat, unde fit, ut remedia sympathetica in hoc morborum genere adeo frequenter, nec semper sine fructu in usum trahi soleant. In sanatione strumarum vis imaginationis haud semel efficacem sese demonstravit; uti tactus sanans regius, qui hodie quidem exolevit, docet; olim enim Reges Galliæ & Angliæ ritu solemniori, adjunctis sacerdotum precibus, scrophulas tactu sanare tentabant; res interdum ex voto cedebat, (quod Cel. MEAD *l)* subjungit,) cui vis imaginandi, quæ permagna est in morbis sanandis, haud parum tribuit.

a) Q. SER. SAMMONICVS de Medicina. Cap. L. b) De occulta philosophia. c) Op. P. II. p. 85. d) Disput. II. p. 32. e) Libr. III. c. 23. f) ad §. 1085. g) l. c. p. 413. h) Amœnit. Exot. Fascic. III. p. 653. sq. i) Tom. III. P. I. p. 174. k) Dissert. Epist. de affectione hysterica. p. m. 523. l) Monita & præc. Medica. p. 122.



§ 17.

*Imaginatio sanat morbos per indirectum.*

Morbi per vim imaginationis etiam indirecte sanantur; & quidem 1) cum imaginatio nimium intensa iterum remittitur, 2) dum illa versus alia objecta vertitur, & in ea intenditur, 3) cum evacuationes ad sanationem alicujus morbi facientes excitat. Primo itaque loco morbi, qui ab imaginationis intensitate aluntur, (§. 10.) maxime vero vesaniæ, hujus remissione, si idea demens quovis artificio ægris eripi potest, sponte sanantur, uti tot exempla hypochondriacorum, melancholicorum, & maniacorum, astu sanatorum comprobant. Hujusmodi exempla plura legas in observationibus med. SCHENCKII a) & alibi. Hydrophobos sanari, „si idea illa ipsis summa violentia eximatur, quod fit submersione in aquam adeo formidatam, „ ut nempe nolentes sic discant, stultam istam imaginationem „ & formidinem aquæ fuisse, contendit LANGIUS b), cujus remedii vim omnem quoque BOERHAAVE c) ad imaginationem vel spirituum turbationem refert. Nostalgia cum suis symptomatibus soli spei reditus in patriam, etsi falsæ, cedere visa est. Præter stratagemata medica, quæ in hujusmodi casibus adhiberi solent, est quoque integra medicamentorum narcoticorum classis, idem efficere valentium. Hinc vinum Europæorum curas solvit, & opium incolas Asiæ reficit, & quasi in paradisa gaudia transfert. Nec sine omni jure videor mihi statuere posse, Praxin Sydenhamianam cujus fere tertiam partem opiorum administratio constituit, etiam ex his rationibus felicem esse, quoniam pharmacum illud vel, imaginationem nimis tensam, remittendo, vel eam, si in unum quoddam objectum nimis defixa hæret, excitando, & concutiendo miseris mortalibus in solamen cedit. Secundum locum morborum per imaginationem indirecte sanabilium occupant ii, qui tolluntur, cum imaginatio versus alia objecta vertitur, & vi ea intenditur. Paroxysmus febris intermittens musica, vel suavi amicorum colloquio remotus esse, sæpius visus est. Singultus secundum vulgare experimentum mox cessat, cum momentosam quandam historiam homini, eo laboranti, proponere incipias, vel si appensione digiti minimi ad pollicem imaginationem eo divertis.



Epilepsiæ curatio, quam olim Ill. HERM. BOERHAAVE præstitit, omnino huc pertinet. Is enim narrante KAU BOERHAAVE *d*) „ pueris puellisque (§. 7.) citatis præsentibus, jussit per caeram disponi fornaces portatiles, prunis ardentibus instructas, atque iis imponi ferreos hamulos, ad certam figuram adaptatos, tum ita mandavit: Quia omnia frustra forent, sese aliud nescire remedium, quam ut, qui primus puer foret vel puella, infauſto morbi paroxysmo corriperetur, locus quidam nudati brachii candente ferro ad os usque inuretur, atque, ut gravitate pollebat dicendi, perterriti omnes ad crudele remedium, dum instantem sentiunt paroxysmum, omni mentis intentione & metu dolorificæ inuſtionis eidem resistunt, fortioris oblatione ideæ. - - Dolores fere omnes, si animum patientis distrahere possis, si non cessant, attamen notabiliter imminuuntur. Dyſtokia, quæ etiam (§. 15.) per imaginationem directe tollitur, per eandem indirecte sanatur, cum animus prostratus narrationibus, gestis, fabulis appositis ab idea moleſta avocatur. *e*) Somnambulones verberibus, aqua gelida, aliisque excepti, terrificas has ideas adeo præſentes imaginationi ſiſtunt. ut poſtea non amplius audeant, ſcenas ſuas ludere. *f*) Tarantismus, quem quidem multi hodie, non niſi fictum credunt *g*), vi muſicæ, potentiffime in imaginationem operantis, eamque pro ſui varietate aliter atque aliter deſterminantis, ſanari ſolet. Paroxysmus hypochondriacus & hyſtericus, ſi a pathemate quodam oriuntur vel ſuſtentantur, mentis & imaginationis diſtractione ſæpe differuntur, vel plane auferuntur. Hæmorragiam narium aſpectu rei alicujus, inſolitæ, vel perceptione doloris, item, cum terribilior quædam fabella narratur, ſubito nonnunquam ceſſare, experientia docet. Tertius ordo morborum, per vim imaginationis indirecte ſanabilem, complectitur omnes eos, qui per evacuationem & reſolutionem aliquam, qualiscunque ſit, ſanari poſſunt. Cum enim imaginatio intenta omnis generis evacuationes & reſolutiones producere valeat, (§. 5.) ſponte patet, morbum, cui depellendo eiſmodi operatio naturæ inſervit, vi imaginationis quoque tolli. Huc maxime pertinent viſcerum glandularumque obſtructiones,



ctiones, quæ nunc tantummodo ut principia morborum, nunc autem ut veri morbi considerandæ sunt.

a) Obs. 228. b) Differt. II. p. 33. c) Aphor. 1143. d) l. c. p. 406. Cap. IX. e) SAUVAG. l. c. T. III. P. I. p. 174. f) ibid. p. 309. g) Cel. BVSCHING in Epistola ad Ill. Kæstn. Hamb. Mag. XIV. Band inserta, omnes tarantatas, pro impostaribus lucri cupidis declaravit. Verum cum Baglivi, argutus certe Medicus, ut alios taceam, integram dissertationem de Tarantula scripserit, & in ea non mendicorum tantum, sed aliorum quoque virorum, quin etiam duarum matronarum nobilium historias retulerit, ubi integer processus in ejusmodi casibus consuetus, adhibitus fuit, vix & ne vix quidem de historica hujus rei veritate dubitare licebit. Cel. SAUVAGES l. c. præter fictam hujus morbi speciem, quæ utique non sine fundamento adstruitur, adhuc alias recenset, quas ope musices sublatas esse fatetur, quamvis morsum tarantulæ pro causâ morbi agnoscere recusat, quod quidem respectu thesæos nostræ perinde est.

## §. 18.

### *Quomodo vis imaginationis agat?*

Licet catalogus morborum, qui per vim imaginationis vel producuntur, vel sanantur, in hac tractatione minime exhaustus sit, quod quidem vix fieri potest, quoniam quotidie nova hujus rei exempla prodire possunt, tamen hæc pro scopo præsentis sufficere poterunt, cum omnibus reliquis exemplis, tam cognitis, quam adhuc incognitis, commode suus singulis locus, cui interferi possint, in hac tractatione assignari queat. Adhuc itaque explicandum erit, quomodo vis imaginationis tot tantosque effectus edere valeat! Cum omni determinato statu corporis conjungitur idea in mente, huic statui proportionalis eidemque respondens: & reciproce! Harum idearum aliæ sunt claræ, aliæ obscuræ vel confusæ; Quo sæpius aliqua idea occurrit, & quo diutius ejus occasio persistit, eo facilius mens eam negligit, in novas magis intenta; Hinc motum cordis non percipimus, nisi cum mens omnium reliquorum objectorum ideas dimittit, omnemque attentionem in hoc solum defigit. Pro ea itaque ratione, qua ejusmodi idea, sive clara, sive obscura cum certo statu corporis conjungitur, eadem ratione certus status corporis nequitur cum tali idea, etenim conjunctio, qua talis, supponit mutuam actionem & reactionem. Ita mutatio, quam mens per imaginationem in corpore producit, coincidit



cum mutatione simili, quam causæ corporeæ facere potuissent; hæ enim excitant stimulum quendam, cui dein motus determinati in corpore respondent: Quodsi nuuc tales motus sola vi imaginationis absque stimulo externo producantur, effectus tamen semper idem erit, & illa vices omnium medicamentorum gerere valet. Iis, qui dextrorum musicorum, vel & præstigiatorum operationes attente contemplati sunt, non amplius adeo mirum vel incredibile videbitur, quod corpus a mente motibus adeo compositis affici possit; Cur vero, & quomodo hoc mutuum corporis & mentis commercium obtineat, id quæ-  
rere nefas, etenim hæc naturæ mysteria

- - - - caliginosa nocte premit Deus.

Sufficiat, factis & ratiociniis evicisse, quam potenter imaginatio, simulac per affectus, eorumque occasiones, per vigilias, per ipsam voluntatem, vel denique per omne id, quod violentius & diutius in sensoria interna agit, excitatur, non tantum in morborum generatione agat, sed etiam adeo salutares effectus edat, qui vix ac ne vix quidem ab universo Medicinæ apparatu expectari poterant.

### §. 19.

*Vis imaginationis viribus naturæ medicatricibus & destrutricibus annumerari debet.*

Imaginatio itaque jure meritoque illis naturæ humanæ viribus annumerari meretur, quæ corpus vivum a morbis tueri, idemque jam affectum iterum liberare valeant. Has autem si contempleris, fere dixeris, eas ita comparatas esse, ut homini pro diversa sui applicatione in damnum æque, ac in commodum cedere possint. Quamlibet enim vis imaginationis effectus quam maxime salutares edere possit, elucet tamen ex supra dictis, eandem sæpius quoque ad destructionem corporis tendere. Ita vero virium naturæ medicatricum, de quibus Ill. GAVBIUS a) agit, limites applicantur, & vis imaginationis facultati nutriendi, (§. 635.) consolidanti, (§. 636.) *πεπασμω*, (§. 637.) facultati expultrici, (§. 639.) commotioni febrili, (§. 641.) instinctui, (§. 943.) consuetudini, (§. 644.) associari meretur.

a) Instit. Pathol. Med. §. 633. sq.





## §. 20.

*Usus, ex cognitione hujus vis in Medicinam redundans.*

Cum meræ speculationes, nullum in praxi usum habentes, in Medicina supervacaneæ videri possint, verbo adhuc dicam, quem quantumque usum cognitio virium imaginationis tam in hygiei-  
ne, quam patrix præstet. Cum Medici sit, vires naturæ huma-  
næ ad vitæ & sanitatis a morbis & morte tutelam prudenter di-  
rigere, vis autem imaginationis inter vires naturæ humanæ ma-  
xime efficaces numerari debeat, etiam hujus prudens directio  
Medico incumbit. Cognitio itaque psychologica & philosophi-  
ca imaginationis non minus, quam historica Medico utilissima,  
quin & necessaria est. Discet exinde, quid in hoc illove casu  
agendum, an & quodnam stratagema adhibendum, & quomodo  
imaginatio extra oleas vagans, iterum in suos limites redigenda  
sit? Cel. BOLTEN *a)* hujus cognitionis necessitatem luculenter  
evincit, pluresque regulas æstheticas logicasque recenset, qui-  
bus his vitiis occurrere possit. Generalis regnla mihi quidem vi-  
detur hæc esse, ut ideam aliquam mente præconceptam per aliam  
fortiorem, huic contrariam excutere studeamus. Applicatio-  
nem hujus regulæ ad casus speciales sua quemque sagacitas &  
ingenium docebit. Nec Medicorum tantum, sed & omnium  
fere hominum interest, rei, quæ in educatione infantum tanti  
momenti est, haud esse ignaros. Difficile quidem opus est, si  
vero bene perficitur, quantivis æstimandum, quando tenera in-  
fantum organa sensoria, & tenera eorum mens a noxiis impres-  
sionibus firmissime dein inhærentibus, præservantur, eademque  
contra has obfirmantur; e contrario vero imagines reales a re-  
um natura non abludentes ipsis suggeruntur. Sane, si majores  
nostri infantum suorum imaginationem melius direxissent, non  
tam multi in dæmonomaniam incurrissent, & a iudicibus non mi-  
nus velanis rogo impositi fuissent. Et nostris certe diebus non  
pot hypochondricaci & hysterica querelis suis medicos defati-  
arent, si imaginatio ope prudentis educationis bene dirigere-  
tur, & intra suos cancellos detineretur.

*a)* Gedancken von psychologischen Curen.





## §. 21.

*An liceat stratagematibus imaginationem exorbitantem  
deludere & torpentem excitare.*

Imaginatio semel exorbitans vix ac ne vix quidem per sanationem rationis coerceri potest, eademque torpens difficulter excitatur, adeoque hoc negotium plerumque requirit remedia per indirectum applicanda, stratagemata puta, astumque. Jam vero quæri posset, an stratagemata, ad quorum applicationem sæpius a parte Medici aliqua charlataneria requiritur, ut ægroti eo tutius certiusque decipi possint, an inquam hæc officiis viri probi & honesti repugnent: NYMANN a) „omnem talem curationem, quæ fit per characteres, schedulas &c. inanem & futilem pronunciat, cum *homini minus supersticioso & credulo adhibita, nihil conferat.* - - Sed est modus in rebus! omnino si in ejusmodi curationibus de nomine Dei inditur, eæ prorsus abjiciendæ & contemnendæ sunt. In reliquis autem casibus, ubi sanatio morborum imaginationem excitatam vel temperatam requirit, stratagemata non modo licita, sed & necessaria reputo. Absit ergo, ut omnem talem curationem pro futile & inani habeamus, quæ tantum credulos & supersticiosos juvat. Quid igitur, an Medicus ægrorum supersticiosorum curam suscipiens, culpandus? Certe, si unquam, hic saltem suo jure valet illud: Mundus vult decipi, ergo decipiatur! Volenti enim non fit injuria. Fuerunt quoque probi Medici, qui, licet apprime norint hujusmodi ludibriis per se nullam vim inesse, nihilominus ea adhibuerunt. Felix PLATERVS b) jussit *pro forma* radicem allii semper in collo gestare. MONTAIGNE c) Medicis semper infensus hæc omnia inter imposturas refert, dicens: *Pourquoy pratiquent les medecins avant main, la creance de leur patient, avec tant de fauces promesses de sa guerison, si ce n'est afin que l'effect de l'imagination supplisse l'imposture de leur aposeme.* Verum enim vero dolus, ubi intentio bona est, & ad salutem ægri tendit, jure meritoque ad dolos bonos, adeoque laudabiles refertur.

a) Oratio, de imaginatione. b) Obs. Med. p. 583. c) Livre des Essais. p. 84.